## DECADENCE

VISIBLE

## DE LAROYAVTE,

Reconnue par cinq marques infaillibles.

- I. Par le peu d'authorité que ceux qui sont interessez à la soutenir, ont auprés de sa Majesté.
- II. Par le peu de respect que les peuples ont pour tout ce qui vient de la part du Roy.
- III. Par l'vsage des fourbes que le Conseil fait pratiquer à sa Majesté, pour abuser de la simplicité des peuples.
- IV. Par la facilité des entreprises ausquelles on porte sa Majesté sans les concerter comme il faut, pour les faire reussir à son honneur.
- V. Et par le secours que le Conseil luy fait emprunter des Huguenots, en les restablissant en leurs priuileges, pour faire triompher le party Mazarin auec plus de succez.

Committee and the second second a production of the first of the continue of t Charles, C. C. C. Sport at J. C. C. Maring to M. Linguis Co. C. C. C. William analog the analog the filling the Filling the deal with the fill and the of and the state of the continuous some of the stance or the proposition of the particular and an experimental and the proposition of the particular and the parti the contract thing a margin and the contraction of the contraction

## LA DECADENCE VISIBLE de la Royauté.

I nous estions d'vn humeur moins raisonable; & sinous n'estions point accoustumes de respirer sous la
douceur dugouuernement Monarchique, la chûte
du Trosne ne nous cousteroit plus qu'vne secousse:
Mais nos esprits ne sçauroient plus ployer qu'auec des violences extresmes, sous quelque autre authorité qui nous seroit in connuë? & ie pense qu'il ne nous seroit pas moins
penible de nous laisser arracher les cœurs, que l'amour de
la Royanré.

Com me cete façon de gouvernement avoissne de plus pres la Divinité, aussi faut-il que tout homme raisonnable la tien ne pour la moins illegitime, les Republiques sont des imitations ou des expressiós parfaites de la revolte des Anges: & ceux qui les fauorisent, symbolisent auecces premiers mutins, en ce qu'ils se tesmoignent incompati-

ble auec le repos.

marquer

Ceux qui codamnent la Royauté, se mesprennet biélouradement; en ce qu'ils en regarder les abus, comme des maquemens inseparables, sans considerer, que le seul maniment en peut estre fautif; mais que le principe n'en peut ia-

mais estre chranle qu'auec la raison.

Les Roys peuvent estre des Tyrans; sans que pour celal'on puisse iamais auoir suiet de dire que la Royauté est Tyrannique: comme les peres peuvent estre dénaturés, sans que pour cela cette ay mable qualité de pere en reçoive aucune alreration. Il saut sçauoir discerner le Roy & la Royauté: les passions sont bonnes en elles mesmes, mais les passionés les gastent par leur abus; comme la Royauté ne manque t iamais d'apas pour charmer tous les raisonnables, si les Roys ne la deguisoient quelques ois par la laideur de seur procedures.

698534

A ij

Les Roys, quelques éleués qu'ils soient, peuvent neanmoins broncher aussi bien que les plus petits: les flateries, les mauuais Conseils & les passio is sont leurs pierres d'achopement: ceux qui ont l'adresse de les éuirer ne font iamais de faux pas: il est vray qu'il en est peu, mais enfin il en est asses pour iustifier la preference du gouvernement

Monarchique: anoth would all months aid

Les Roys glorieux & superbes ne sont iamais au dessus de la flaterie, quoy que leur fole presomption ne leur laisse rien voir qui ne soit sous leurs pieds: les simples n'ont ny forceny capacité d'esprit pour dicerner & pour reietter les mauuais conseils: les hardis ne reiettent que les passiós qui ne sont point assez violentes : les Roys enfants sont suiets, & aux flateries & aux passions, & aux mauuais conseils: voyla pourquoy le S. Esprit maudit la terre dont le Roy est

enfant. Quoy qu'il en soit: nous sommes reduits à l'experience de cette suneste verité. Le ne veux pas dire que les passions ayent toute sorte d'empire dans l'esprit denostre Dieu donné: car il nese peut qu'estar engendré par miracle, il ne soit exempt de toutes ces extrauagances, qui transportent ordinairement les passionnés: miis sa jeunesse ne peut point estre à l'esprenne de la flaterie, & du maunais conseil? ce sont deux escueils contre lesquels il faut qu'il escho üe necessairement; l'vn le seduit par ses agreémens trompeurs; l'autre le surprend par des artifices que son age ne luy permet pas de discerner; tout deux luy font seconder les desseins deses ennemis domestiques contre la Royauté.

Austi voyos nous que la decadance en est si notable, qu'ils n'y auroit rien de plus proche que sa chûte, si nos esprits n'en estoient entieremet essoignés i bien en va pour sa Maieste, que nos respets soient inuiolables, & que nous soy os inébranlables dans nostre deuoir ; car il semble que ceux dont elle suit les conseils, ne soient gagez que pour disposer les affaires à la ruine de son authorité Souueraine, ou pour ne le dissimuler point, à quelque changement d'Estat, I. La decadence de la Roya né se fait premierement re-

1638631

marquer

marquer par le peu d'authorité, que ceux qui sont interesfés à la soustenir, ont aupres de la Maiesté. Qui sont ceux qui ont l'oreille du Roy & la considence de ses secrets? c'est la Reyne, c'est le Cardinal Mazarin, ce sont leurs partisans: c'est a dire, ce sont ceux, qui ne sont nullement interesses à soustenir l'authorité souveraine, qu'autant qu'ils y sont obligés par le motif de leurs interets particuliers:

Qu'importe à la Reyne que le sceptre se casse, pourueu quelle contente ses souhaits? Mazarin se mertil en peir eque le trone branle, pourueu qu'il se puisse rasseurer? qu'en tera til de tous les Mazarins apres qu'ils auront fait toute sorte de breches à la Royauté pour ueu qu'ils se soient

enrichis:

Lors qu'vn age plus auancé & plus meur, aura mis le Roy en estat de pouueir entrer en connoissance de ses affaires; & que les mortelles breches saites à son authorité le ietteront dans des ressentimens dignes de cette decadence: Cen'est point à la Reyne, cen'est point à Mazarin, ce n'est point aux Mazarins qu'il s'adressera pour seur en faire rendre conte: on sçait trop que ce ne sont que des putssances ingerées par vsurpation dans le gouvernement; que le ur administration n'est qu'vne conduite bastarde, qui n'est nullement legitime; & qu'ils netiennent le Roy, que parce que le respect nous empesche de le leur arracher des mains auec violence.

S. A. R. Messieurs les Princes du Sang, & les Parlemens, qui sont les veritables depositaires de la Royauté, seront interrogés sur cette decadence. Ce sont eux qui en deuoient estre les tuteurs pendant la Minorité, si la staterie n'en eust pourueu, celle qui en estoit chassée par la loy Salique, c'est à dire par la premiere loy sondamentale de cét estat: Ce sont eux qui en doiuent estre les curateurs tacites insqu'à liâge de vint-vn an: Ce sont eux que les loix ont estably, pour estre les Intendants generaux de toute sa conduite, & les veritables interpretes de ses volontez souveraines.

B

Ie pense que les estrangers ne rient pas mal, lors qu'ils aprennent, que le Roy de France suiuy de ie ne sçay quel conseil étably par caprice, poursuit ses sujets à main armée, pour les saire soumettre à la conduite de seur plus irreconciliable ennemy: lors qu'ils demandent, où est son A. R. & qu'on seur respond, il est dans son Palais d'Orleans, par ce que ses conseils ne sont nullement suiuis; lors qu'on seur dit que les Princes du Sang sont sous les armes, pour mettre seur vie & la liberté publique à l'abry des entreprisses de la Cour; sors qu'on les asseure que tous les Parlements sont vnis, pour choquer la conduite du Roy: n'ont its pas raison de dire que la Royauté est bien bas puis que ses veritables & legitimes apuis ne la soustiennent pas.

En effet il est insques a present inouy; & ie n'ay samais encore leu dans l'histoire de France, qu'vn Roy, sumant le seul aduis d'vn tas de ie ne sçay combiende Conseillers Hereroclites se soit porté à des entreprises de grandes consequence, malgré les sentimens contraires de rous ses Prin-

ces du Sang & detous ses Parlemens.

L'Estat François ne condamne point! Aristocratique; mais il le soumet au Monarchique: si ce dernier vouloit estre independant iusqu'à ne vouloir en rien dessere à l'A-ristocratique, c'est à dire à la conduite des plus proches de la Courone ou des plus sages éablis par leur participation; il seroit despotique ou tyran, & par consequent il faudroit s'en desaire.

Charles VIII. auoit bien ses Princes du Sang, lors qu'il donna & gagna la bataille de Fornouë, mais il ne manqua pas dés qu'il sut de retour à Paris de protester à son Parlement que si la necessité des affaires ne luy eut fait precipiter cette execution, il n'y eust iamais conclu sans luy en donner aduis: Charles VI. auoient tant de desserance pour ses oncles, & pour ses Parlements qu'il vouloit mesme que les choses indiferentes passassent par leur conseil, n'ayant iamais voulu donner autre pouuoir au Comte de Gien son fauory, que celuy d'estre l'Intendant souuerain

de tous ses passe-temps; & de disposer absolument de tous tes les affaires qui ne concerneroient point l'Estat. Voilaites sentiments de Louis douze & de Henry le grand.

Toutes les loixen sont encore là. Le Roy ne peut rien faire sans conseil; ce conseil ne doit estre composé que de ses Princes, ou de ceux qui y sont appellés par leur participation. Et cette loy est ainsi prudemment establisepour obuier aux desordres qui sont ordinairement causez par des Fauoris, qui ne portent iamais seur choix vers lesplus capables: mais vers ceux qu'ils ingent les plus complaisans à la passion qu'ils ont d'establir l'agrandissement de seur fortune

Si le Mazarin n'eust veu que le Comte de Seruient ne reculeroit pas de complaire au dessein qu'il auoit d'empescher la conclusion du traité de la Paux generalle; il se sur bien gardé de le faire son Plenipotentiaire dans Munster.

Ces desordres n'arrivent iamais pendant que les Princes ont l'authorité qu'ils meritent, & qui leur est deuë dans le Conseil: lors que la fortune les a fait naistre auprés du tros-ne, d'abord elle les a esseuez au dessus des esperances de tout agrandissement, & ne leur a laissé d'autre passion que celle de le soustenir. C'est pourquoy comme leurs interests particuliers se trouvent engagez & obligez d'appuyer l'authorité souveraine, & comme l'authorité souveraine ne peut iamais soussir d'alteration que lors qu'elle est des vnie d'autec ses peuples: il n'y a point de danger que leurs conseils se portent iamais à la division, parce qu'ils se porteroient à la diminution de seur authorité.

Ie pense que c'est pour cette raison, que Philippe Auguste ne vouloit iamais que ses fauoris entrassent dans les deliberations qui se faisoient pour les affaites d'Estat. Et ce sameux Prince de Galles qui vainquit se prit Iean premier das la bataille de Poitiers, ne voulut iamais que le Comte de Salisberi qui estoit son sau ori, entrast dans le conseil qui se deuoit tenir pour cét esset, de peur que l'inclination qu'il que de crainte de le choquer, il ne sur obligé de les preserer au jugement de benucoup d'autres Seigneurs, dont la lon-gue experience sui faisoit esperer quelque chose de plus solide. Les Ephores de Lacedemone, esseigneurs vn certain Democares d'auprez de Theopompus seur Roi, parce qu'il estoit trop visiblement son fauori; & Dion Chrisostome parlant à Traian, sui dit que le Souverain commence à devenir tiran, sors qu'il entreprend de faire respester les caprices de son sanori, parce qu'au lieu d'vnioug il en impose

deux sur la teste des peuples. Monte la la reconstruction de

Ce que nous re Tentons est encor bien pis: Mazarin est l'objet des inclinations du Roy & de la Reine, & celui des auersions de tout l'Estat: leurs Maiestez (i'y comprends le Roi par complaisance) ne se contentent pas de l'aimer, elles le sont encor entrer dans leurs conseils; ce n'est pas le tout, elles veullent, en despit des loix, en despit du sens commun qu'il y soit le souverain; que personne n'i entre que par son choix; & que par vne vsurpation d'autant plus intolerable qu'elle est inconuë, ilsoit leur premier ministre d'Estat; pour S. A. R. pour Messieurs les Princes, pour les Patlements s'ils veullent estre de la faueur & s'ils vellent auoir quelque part dans le conseil, on ne leur en resusera point l'entrée pourueu qu'ils la demandent auec soumission, & qu'ils s'y comportent auec complaisance à tout ce que ce beau sauori voudra ordonner.

Viue Dieu: c'est saper les meilleurs sondemens de l'Estar, c'est esbranter les plus sermes apuis du trone; cest attenter à nos loix, c'est saire une breche irreparable à la Roiauté. C'est vouloir ce qui ne se doit pas. La Roiauté, qui ne releue pas son éclat de la proximité & de l'union deses Princes du Sang & des Parlements, est une Royauté nue & despouillée; ceux qui la voient en cét estat ont raison de dire qu'elle est bien dechue, qu'elle commence de prendre

sa pante du costé de son preciput.

II. Cette seconde marque de la decadence visible de la Royauté, n'est à la verité qu'vne suite de la precedente, mais en effet elle est encore plus dangereuse, & plus capable d'apuyer vne iuste aprehension de quelque changement d'Estat. C'est le peu de respet que les peuples ont pour tout ce qui vient de la part de sa Maiesté; destreglement si prodigieux & si monstrueux dans l'Estat François, qu'il ne peut estre considré qu'auec l'horreur de tous les genereux.

La force de la Royauté, consste dans l'union que les suiers ont auec leur souuerain, maintenue par la correspondance mutuelle de leurs volontés, par la dependance des vassaux & par le inste gouvernement du Monarque : il n'y a que la haine qui puisse ietter le schime dans cette vnion; la sourcede cetto hamen'est autre, que le peu de respet que les suiets ont pour les ordres de leur souverain; & ce manquement de respet n'a pour tout principe, que le peu de soin des Monarques, pour imposer leur joug auec douceur, & pour gouverner auec iustice.

C'est pourquoy nous auons eu des Roys, entre lesquels Charles VI. Louys XII. & Henry IV. sesont rendus les plus remarquables: qui prenoit de temps en temps plaisir de se deguiser pour saire le tout de leur Royaume en postures de simples gentils-hommes; & observer plus infailliblement celle, en laquelle ils estoient dans l'esprit de leurs suiets: leur dessein estoit d'aprendre par la confession naisue de ceuxauec lesquels ils converseroient en leur voyage, ce qu'ils n'esperoient ia-mais de sçauoir par la bouche de leurs Courtizans, afin de retrancher puis apres tous les abus, que leur complaizance pour les aduis de leurs mauuais Conseillers, auroit laissé glisser dans le gouvernement.

Ainsi pour conserver la Royauté, les Roys doiuent estre ialoux de se conseruer l'amour des peuples. C'est ne sçauoir pas regner, disoit Henry le Grand, apres que, contre les sentiments de tout son Conseil, il eutretiré le feu Duc d'Espernon du gouvernement de Provence; que de se procurer la haine de toute vne Prouince pour se conseruer l'affection d'vn particulier. Le but de tous les desseins des Roys ne doit estre autre que le cœur des peuples. C'est à cette conqueste qu'ils doinent

borner toutes leurs ambitions; il n'est rien qui leur puisse resister lors qu'ils en sont les maistres par affe & ion; comme il n'est rien à quoy ils ne soient suiets de succomber, lors qu'ils veu-

lent les posseder auec empire.

Protegerle tiran des peuples, & posseder l'assedion des peuples sont deux choses incompatibles. Qui veut estre aymé, il faut qu'il ayme: l'amourne se recompense qu'auec amour: & les suiets quelques bas qu'ils soient pretendent neantmoins auec autant de droit à l'affection de leur Monaque; que celuycy croit estre en estat de pouvoir exiger toute sorte de desserence de leur soumission: ils ont vne relation mutuelle de l'vn à l'autre : quand le Roy manque d'affection; & le vassal de respect; l'vn & l'autre manque à son deuoir: si l'vn est rebelle, l'autre est tyran.

Qu'elle est la cause du peu de respect que les sujets ont auiourd'huy, pour tout ce qui vient de la part de sa Maiesté, d'où vient que ses lettres sont receuës auec tant de froideur, que ses ordres sont si peu soigneusement executez? que les portes des villes luy sont fermées lors qu'il y veut entrer? & qu'on ne sait presque point auiourd'huy, que tout le contraire de ce qu'il commande ? Ce manquement de soumission est vn effet qui n'est pas sans cause. C'est vn mauuais escoulement qui

produent encor de quelque plus mal heureuse source.

Si les peuples manquent de respect, le Roy manque d'affe-Quon. Ils ne considerent ses ordres que tant de mespris, que parce qu'il a regardé leur inclination auec si peu de soin de leur complaire. Puis qu'il n'a de cœur que pour proteger leur ennemy; ils n'en ont aussi que pour faire auorter ce malheureux dessein: S'il veut en estre embrassé qu'il leur tende les bras: s'il redonte leur trame, qu'il choisisse leur assection : ou bien s'il ne veut aymer que ce qu'ils haissent : qu'il se resolue aussi de ne pouvoir executer, que ce qu'ils ne pourront point empescher par leurs resistances.

Est-il rien de plus dangereux à la Royauté, que de ne pouuoir autre chose, que ce que la violence luy rend possibles les armes d'vn Monarque françois, pour faire ployer ses suiers sous toutes ses volontez, ne deuroient estre que ses yeux, &

ses inclinations. François premier disoit à Charle-quint qu'il faisoit plus de conquestes auec sa douceur qu'auec son espée; & qu'il ne dependoit que d'vn seul de ses regards pour faire branler tout son Estat. Vne Royauté qui ne se supporte que par violence commence à décheoir, & lors qu'elle ne peut sur ses vassaux, que ce que la force seur fait accorder, sa soiblesse est extreme.

N'est-ce pas à cette fatalle extremité que le Roy se voit auiourd'huy reduite, par la belle conduite de son conseil? il a
beau exposer ses volontez; le fort l'emporte; & s'il se trouue le
plus foible il saut qu'il succombe: si son fer est plus tranchant
que celuy de ses suiets, on luy abandonne la victoire: s'il est
plus emoussé ou en triomphe comme d'yn inconnu: Necessité
deplorable autant que pernicieuse, puis que c'est vne des plus
visibles causes de la decadence de la Royauté, pour la vengeance de laquelle, si nous auions tant soit peu de sang aux
ongles, nous deurions hacher au plustost ceux & celles qui en
sont les autheurs.

III. La decadence de la Royauté se sait encor visiblement remarquer par l'vsage des sourbes que le conseil fait pratiquer à sa Maiesté pour abuser de la simplicité des peuples; & l'eschet qui se sait à son pouvoir par ce commerce d'impostures, est d'vne si perniciense consequence, que ie n'en voys point qui soit plus à redouter dans vn Estat, ou la bonté des peuples se fait principalement remarquer par la sincerité de seur genie.

Quand vn Roy vient à lacher vne parolle, il faut qu'il soit inflexible dans son execution: Robert vn des premiers Monarques de la branche des Capeheus. & le plus remarquable de tous nos Roysipour l'affection qu'il avoit aux belles lettres; apelloit sa parolle son Sacrement. & qu'il ne pouvoir par consequent vioter tans sacrilege: Le chef des Meroulngiens disoit que la parolle des Roys, deuoit estre la loy sondamentale de leur Royaute. & que pour mesme raisen il so epouvoient sauffer sans ébranler leur Coutonne. S. Gregoire le grand escrivant a Brunchaud Espagnole la plus detestable de Loutes nos Reynes, la plus signalée pour ses parricides; & neantmoins assituinus able dans ses parolles, la y dit en suitte de quelque

1-2 17

sidelité qu'il avoit remarquée en sa conduite, que la parolle des souverains, est le sceau de leur souveraineté, le ners de leur puissance, l'esclat de leur Couronne, & le terme de leur ambition. Herode mesme quelque detestable qu'il sut, sit serupule de revoquer vne parolle qu'il avoit donnée pour l'inscription qu'on devoit mettre sur la teste de I. C. qued scrips, scrips.

Mais y a-t'il rien à dire apres le prouethe; un honneste hommen'a que saparolle, qu'il soit grand qu'il soit petit, qu'il soit
pauure qu'il soit riche, si celle-là luy manque, c'est vn vilain,
qui ne peut plus pretendre à la qualité d'honneste homme.
L'Areopage est beaucoup soué dans Xenophon pour auoir interdit vn certain Senateur nommé Poliocles, qui auoit manqué de parolle à vn autre pour s'engager dans les interests d'vn
amy. Regulus chez les Romains, promet aux Cartaginois
qu'il reuiendra, s'il ne peut obtenit la permutation des captifs,
on le lache sur sa parole: il ne peut pas s'obtenit, il reuient, &
achete auec vne cruelle mort que ces laches suy sont soussirir,
l'honneur d'auoir esté inuiolable dans ses promesses.

La raison qui met tout l'honneste homme à tenir se parole; c'est qu'il n'y à point de seureté dans le commerce, qu'on sait auec ceux qui n'en sont point esclaues comme on parle à la Cour : converser auec vne faussaire c'est estre reduit à veiller suit routes ses paroles; c'est estre dans vne continuelle violance; c'est ne pouvoir rien conclure que par contract, & auec vn bon nombre de tesmoins; il n'y a point damitié auec ces gens là parce qu'ils n'en ont point le charactere qui est la sincerité & la franchise; Tellement que la premiere Loy de Lycurgue chez les Traces, poutestablir vn commerce, sut d'intimider les faussaires par l'horreur du chastiment dont il les menaça, qu'ils seroient deschirez par tout le peuple,

Si la parole est si necessaire aux particuliers pour l'establissement du commerce: que doit on dire d'un Roy qui est une perfonne publique. On peut se pour uoir contre un fourbe, parce qu'on peut l'engager par le tesmoignage, & le ranger à son deuoir par les voyes de la Iustice. Mais on ne peut point traitter auec un Roy: Il n'a que sa parole, & ses sujets n'en peutent point exiger dauantage: si celle-là suy manque; Adieu seureté, adieu repos: C'est a qui l'empottera par force: les sujets ne se siant plus à leur Roy, commencent à le fegarder anec deffy, le deffy fait naistre dans leurs esprits l'apprehension de la tyrannie; cette aprehension en oste le respets qu'ils conseruoit encor pour les volontez yle respect Estant esface, si le Roy n'est point le plus fort, il n'est point le maistre, s'il n'est point le maistre, la cheure de sontrosne n'est pas beaucoup essoignez puis que desia son pouvoir est dans la décadence.

Est ce donc sans raison que le dis que la Royauté est dans sa

decadence, puisque la mauuaile conduite du Confeil a reduit S. M. à la necessité de four ber ses peuples ; pour l'execution de ses desseins? les declarations Royalles qui sont les loix de l'Estat & les fondemens lu trône, ne servent plus à nos intelligences, que de pieges, pour surprendre la simplicité des peuples: On les viole aussi facillement qu'on les donne; & la maxime de tous les siccles, que la parolle fait l'honneste homme, estaulourd huy destruite par sa contradictoire dans la Cour Mazarine, qui ne veur point qu'on en soit esclaue. Esclauage neantmoins digne d'vn Roy, & sans lequel, les sujets sont pis que des forçats de galere, s'ils se tiennent tousiours dans leur obeyssance: faut il donc s'estonner de la decadence que ie fais remarquer dans la Royauté, puis qu'on viole auec tant de facilité le Sacrement qui la rend venerable à ces peuples; & qu'ils ont raison de croire qu'on brasse des desseins contre leur liberté, puisque les fourbes & les manquements de paroles, n'ont iamais seruy qu'à faire triomfer les mauuaises intentions.

IV. La facilité des entreprises ausquelles on porte S. M. sans les concerter comme il faut, pour les faire reusfir à son honneur est la quatriesme marque de la decadence de la Royauté: les ancestres de sa Majesté ont ils iamais entrepris tant de desseins, auec si peu de reussi? mais le malheur est encor que ces desseins sont concertés malgré les sentimens de ceux que nos loix sont presider dans le Conseil de sa Majesté, & contre les inclina-

tions generalles de tous les peuples.

Lors qu'vn Roy donne vne bataille à quelque estranger & qu'illa perd; les peuples n'en sont surpris que comme d'vn malheur, pour la reparation duquel, ils se soumettent fran-

chement à toute sorte de conditions; : Mais lors qu'il attaque ses sujets; on ne se ressouyt que lors qu'il est battu: ses pertes sont leurs gains; ses desastres sont leurs aduantages & ses dé-

faires sont leurs triomphes.

Les mauuais succez des Roys affoiblissent leur authorité dans l'idée des peuples; cette foiblesse renforce leur courage, pour luy resister auec plus de succez lors qu'il les attaque: Quand le Monarque & les sujets sont aux prises; qu'en est-il de la Royauté? elle subsiste en idée; en effet est ou destruite ou dans sa decadence.

Le Roy marche contre Bordeaux pour restablir le Duc d'Espernon malgré la resistance de ces peuples : que gagne t'il? vn souflet, & la honte d'auoir mal attaqué, pour estre bien batu: le Roy poursuit M. le Prince à main armée pour le pousser à bout? quel est le succez de ce dessein? il auance pour reculer; il recule pour receuoir vn affront; Poitiers le chasse; Orleans le repousse; Angers luy resiste, il ny a que les Villes qu'il peut achepter à beaux deniers comptans, qui le reçoiuent. Le Roy veut restablir vn proserit; que s'en ensuit-il? les Parlements s'vnissent, les Princes se liguent, les peuples se sousseuent pour l'empescher.

N'accusons point nostre Roy: il n'est coupable que d'estre tropieune; & c'est le crime de nos mauuais destins, qui ont reculé sa naissance, pour le mettre entre les mains des instruments de leur tirannie: l'aissons le croistre; vn aage plus auancé le rendra plus solide pour voir la foiblesse de ceux qui le conduisent : son trone chancelant resseurera son esprit pour le rafermir sur le carnage de ceux qui l'esbranlent par leurs mauuais Conseils; & rambrassant ses peuples que ces intelligences bastardes, suy font persecuter, il faira voir à la France pour se reunir auec elle, qu'il n'a iamais esté-complice de tout ce qu'on luy fait faire, que parce que son aagene luy permet pas d'en reconnoistre la malice.

V. Mais si ces quarres marques de la decadence de la Royauté, meritent nos larmes; la ciuquiesme, que iene veux qu'effleurer pour en reseruer le discours à vne meilleure occasion, doit lacher toute la bonde de nos pleurs, & nous faire inue & iuer à pleine bouche, contre l'execrable conduite de son conseil.

Le diray ie? diray-ie que le C. Mazarin c'est à dire le premier comete, ou le premier Phainomene de toutes les lumieres du Conseil du Roy; preuoyant bien que son party s'en alloit estre decousu, par la conspiration generale de tout l'Estat; s'est auisé de se faire prester espaule à l'heresie, & d'engager tous les Huguenots à le secourir par l'esperance qu'il seur a donné d'un prochain restablissement dans leurs anciens privileges.

Les Seuennes ont dessa leué le masque; le bas Languedoc est tout embrazé par ces incendaires, qui arment oune reement & par ordre de sa Majesté; les Commissaires Huguenots restablissent le presche dans le Dauphiné, comme il y estoit auant l'Edit de Nantes. On n'entend plus parler que de l'armement qui se fait par les Huguenots pour appuyer, dit Mazarin, l'au-

thorité du Roy.

Ah Cardinal defroqué ou pour mieux parler, huguenot trauesty; tu veux faire soustenir le rrosne, par ceux dont la premiere maxime est de l'esbranler: tu veux releuer l'esclat de la Couronne, par la faueur de ceux qui l'auroient stessey, s'ils n'eussent rencontré vn iuste & vn inuincible; tu veux redonner le repos à l'Estat par l'entremise de ceux, qui l'ont trauersé ius ue dans leur agonie & qui ne se peuuent maintenir qu'en le troublant.

Est-ce vouloir restablir le Roy, que de restablir les ennemys du Roy? est-ce soustenir le trosne que d'attacher les mineurs à ses sondemens, sous pretexte qu'ils en seront les apuys ; si Caluin condamne toutes les puissances souveraines, si les Monarques luy sont des tyrans, que doit-on dire de tous sectateurs, sinon qu'esponsant toutes les passions de leur Euangeliste, ils ne seront que tout ce qui leur sera possible pour secouer le joug de leur souverain, apres qu'ils auront contribue à le rafermir auec plus de tyrannie sur les testes des innocens.

La Royauté peut elle estre plus descheuë, que lors qu'elle se met ou qu'on luy met des ennemys sur les bras, pour en combatre d'autres ou pretendus ou veritables: Il ne faut pas estre trop vieux pour ausir veu ce que les Huguenots ont cousté à nos Roys: le sang de nos freres meurtris par ces assissins, roule encor auec les slots des riuieres, & les sueurs inuincibles de Louys le Iuste qui sont encore toutes fraisches dans les debris de cette puissance abatuë, ne nous monstrent que trop, qu'il a fallu vn Roy de cette valeur & de cette pieté, pour en acheuer.

les triomphes.

Pour faire voir l'iniustice de tout le conseil du Roy, & pour reserver ce sujet à quelque autre entrement; se n'ay qu'à dire que nous verrons bien-tost l'Anglois à nos postes si nous les ouurons à leurs Confreres; & que le feu qu'ils allumeront dans l'Estat se nourrira plustost qu'il ne s'este indra, par les torrens mesmes de nostre sang. La Royauté peut-elle donc estre plus bas, que de n'estre conduite, que par ceux qui la destruissent, & qui ne perdront rien quand ils l'auront perduë.

FIN.

· Doze Fall And College

July in State of the Contract of the

The Very State of the State of

In the Davids Transport to the William

CONTRACTOR AND SE